



NUKISSIORFIIT

IMERMIK

**tamanik pilersuinerminni
piumasaqaataat nalinginnaasut**

Nr. 4, 15.07.2026-mit atuutilersoq

Aallaqqaasiut

Nukissiorfiit imermik pilersuinermini piumasaqaataat nalinginnaasut tassaapput inatsisitigut tunngavissat uppersaataasut pingaarutillit, Nukissiorfiit aamma

- Illuutiniq aamma inissianik nammineq piginnittut (piginnittut), imermillu pilersorneqarnissaminut attavilernerqarsimasut
- Imermik pilersuinermik atuisut (atuisut),
- VVS-mesterit akuersissummik pigisallit aamma
- Innaallagissiorlutit akuersissummit pigisallit akornanni

Allassimasuni tamanut taaguutitut atornerqarput piginnittoq aamma atuisoq, tamanna siunertamut tulluartausorinerqarpat. Sullitaq tassaavoq inuk nammineq imaluunniit inatsisitigut inuk, Nukissiorfiit uuttuutaataanik ataatsimik arlalinnilluunniit akillisarnissamut nalunaarsimasoq.

Atuisut taakkuusinnaapput inuit ataasiakkaat imaluunniit inuussutissarsiortut.

Piginnittup, atuisup aamma VVS-mesterit Nukissiorfiit pilersuinerminni piumasaqaataat nalinginnaasut ilisimasariaqarpat, pineqartunut attuumassuteqarsinnaasut eqqarsaatigalugit.

Nukissiorfiit atuisullu akornanni isumaqatigiissuteqarnermut tunngaviusut aalajangersarneqarsimapput Nukissiorfiit innaallagissamik, imermik kiassarnermillu tamanik pilersuinerminni tuniniaanermut piumasataanni aalajangersakkatigut aamma Nukissiorfiit imermik tamanik pilersuinerminni piumasaqaataat nalinginnaasut pillugit aalajangersakkami.

Piginnittut, atuisut VVS-mesterillu kiisalu Nukissiorfiit pisussaaffigaat inatsisit, peqqussutit, nalunaarutit malittarisassat assigisaalu qaqugukkulluunniit atuuttut malissallugit. Taakkunani pingaartumik ukua maluginiaqquneqarput:

- Nunaqarfimmi innaallagissamik imermillu Namminersornerullutik Oqartussat pilersuinermik tigusinerat pillugu Inatsisartut inatsisaat nr. 13, 6. november 1997-imeersoq.
- Namminersornerullutik Oqartussat aamma Kalaallit Nunaannit kommunit kattuffiata Namminersornerullutik Oqartussat/Nukissiorfiit nunaqarfiit innaallagissamik aamma imermik pilersorneqarnerannut akisussaannerminik tigusinerannut tunngatillugu isumaqatigiissuteqarnermut tunngavigisaat 1. januar 1998-imeersoq
- Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq
- Imermik pilersuineq pillugu Inatsisartut peqqussutaat nr. 10, 19. November 2007-imeersoq
- Erngup imigassap pitsaassusia aamma imermik pilersuiviit nakkutigineqarnerat pillugit Namminersornerullutik Oqartussat nalunaarutaat nr. 7, 17. marts 2008-meersoq (aaqqissuunneqarpoq)
- Innaallagissamut, imermut ataatsimoortumillu kiassarnermut il.il. akigititanik aalajangersaasarneq pillugu Namminersorlulik Oqartussat nalunaarutaat nr. 22, 22. december 2017-imeersoq

Imarisai

Aallaqqaasiut	2
1. Nassuiaatit	4
2. Aallarniutitut aalajangersakkat.....	5
3. Imerk pilersuinerup attatiinnarneqarnera	6
4. Erngup illumut attavilerneqarfia	9
5. Erngup aqqutaanik ikkussuinerit	12
6. Akiligassanut uuttuutit	14
7. Imermut tankimut ikkussuinerit	16
8. Maalaarfissaq	18

1. Nassuiaatit

Attavilerneqarfiup sumiiffia

1.1

Sumiiffik tassaavoq Nukissiorfiit imermut aqquataa pingaarnep aamma attavilerfiata imminnut katigutsinneqarfiat.

Illumut attaviler- neqarfik

1.2

Erngup aqquataa, erngup aqqutaanit pingaarnemit attavilerfiup sumiiffianit illumi erngup atorneqartup akilernerqartussap uuttortaavianut ingerlasoq.

Illumut attavilerneqarfimmut ilaapput erngup aqquataani pingaarnermi illup tungaanut aqquutip attavilerfiata ikkuffia [*anboring*] i-maluunniit attavilerfiup ikkuffiata atortua [*anboringsarmatur*], illumut attavilerneqarfiata ventiilia tassunga ikkusimasinnaavoq tallissut [*spindelforlænger*] aamma ventilinut katiteriffik assaas-saq matulik [*ventilbrønd*], ventili kuuffissaq sullulik [*drænventil*] aamma erngup aqquataa imermut uuttuivimmut illumit attavilerneqarfimmi ventilimeersaq aammattaaq qerisoortitsinaveersaat innaallagiartortoq aamma erngup aqqutaanit pingaarnemit ingerlaqqiffissatut ikkussaq, imermut uuttuummik aqutsissummut innaallagissap aqquataasa katersuuffianut [*eltavle*] ingerlasoq.

Erngup aqquataa pingaarnep

1.3

Erngup aqquataa pingaarnep tassaavoq imermut aqquut, erngup imeqarfimmit piareerlugu sukuluarneqareersimasup illunut attavilerneqarfinnut, imertartarfinnut aamma oqartussaasut ikualattoqartillugu qatserinermut ventiilinut aqquutigittinneqartoq.

Imeq nillertoq/kissartog

1.4

Imeq illumi atorneqartoq, imerneqartussatut aamma uffarnermi il.il. atorneqartussaq.

Imeq illulerinermi atortagaq, tassunga ilanngullugit imeq imertagaq uffarfiullu ernga assigisaalu.

Imermut uuttuut

1.5

Uuttuut, imermik atorneqartumik nillertumik nalunaarsuisartoq.

Nukissamut uuttuut

1.6

Uuttuut, imermik atorneqartumik kissartumik nalunaarsuisartoq.

Sanaartornermi uuttuut/imermut uuttuutaagallartoq

1.7

Imermut uuttuut, utaqqiisaagallartumik pilersuineri ikkussukani atorneqartoq, tassunga ilanngullugit sanaartorfiit.

2. Aallarniutitut aalajangersakkat

Ruujorilerineq

2.1

Suliassat ruujorilernermut tunngasut tamarmik illumut attavilerneqarfimmik aamma erngup aqqutaanik ikkussuinerit, suliffeqarfimmit avataaneersumit sularineqartut VVS-mesterimik sularineqassapput. VVS-mesterip Nukissiorfiit eqqiluisaarnissamut ilit-sersuutaat ilisimassavaa.

Innaallagialerineq

2.2

Suliassat innaallagialerinerneq tunngasut tamarmik qerisoorna-veersaatini innaallagiatortuni suliassat innaallagissiortumit akusissummik pigisaqartumit sularineqassapput.

Ruujorilerisutut inuus-sutissarsiortutut allagartaqarneq

2.3

Nukissiorfiit VVS-mesterimut makkua piumasaraat:

- Sularinninnermut akisussaasuusup assarsornermik fagi angusiffigisimassavaa, suliartigut sammisamut tulluurtumik attuumassuteqartumik, taamatuttaaq CVR-normu atorlugu nalunaarsorsimassalluni.
- Kalaallit Nunaanni aalajangersimasumik niuernermik ingerlatsiveqarneq telefonilimmik, atorussaasivilimmik sasannavittullu suliffiusumik
- VVS-mesteri nammineersinnaajunnaarsitaasimassanngilaq imaluunniit suliffimmini akiliisinnaajunnaaqqaassanngilaq

Suliartigut pikkorliorneq

2.4

VVS-mesteri illumut imermik attaviliinerneq aamma kiassaanermut atortunik ikkussuinerneq qarsupittumik uteqqiattumilluunniit sumiginnaappat, Nukissiorfiit VVS-mesteri suliassanik taamaat-tunik suliqaarnissaanik itigartissinnaavaat.

Erngup attavilerneqarfi-anik allanngineq

2.5

Nukissiorfiit pisinnaatitaapput erngup illumut attavilerneqarfiinik nuussinissaminnut aamma attaviit taakkununga tunngasut allanngortissinnaallugit atuisumut aningaasartuutaanngitsumik.

3. Imerk pilersuinerup attatiinnarneqarnera

Pitsaassuseq

3.1

Imeq imerneqartussaq tappiorannartunik uumassusilinnik aamma akuutissanik annertussusilinnik imaluunniit kimittussuseqartunik akoqassanngilaq, peqqissutsimik ulorianartorsiortitsilersinnaasunik. Imermi imerneqartussami atuisut imermik pajuneqarfianiittumi erngup imigassap pitsaassusia pillugu nalunaarummi pitsaassutsimut piumasaqaataasutut atuuttut eqqortinneqassapput.

Imerk pilersuineq ajutoornermik unitsinneqarpat sapinngisamik piaarnerpaamik Nukissiorfiit pilersuinerup atulerseqqinnissaa isumagissavaat.

Nukissiorfiit imermik pilersuinerminni taamaallaat illumut attaviliinerup sumiiffia tikillugu akisussaaffeqarput. Kukkunerit amigaataasullu sullitap illuanut attavilerneqarfimmiittut aamma ikkussukkaniittut attavilerneqarfiup sumiiffiata kingornaniittut Nukissiorfiit akisussaassuseqarfiginngilaat. Tankinut imiisivinnut pilersuinermi taamatuttaaq Nukissiorfiit taamaallaat akisussaassuseqarfigaat, imermik pilersuinermi pitsaassuseq tankimut imiisivimmut tunniussinerup sumiiffianiittoq tikillugu.

Erngup naqitsinera

3.2

Illut ataasiakkaat eqqaanni pilersuinermut aqqutini naqitsinerup minnerpaaffissaata attatiinnarnissaanut Nukissiorfiit pisussaaffeqanngillat.

Erngup naqitsinera naammaginangitsoq

3.3

Illumi erngup naqitsinera naammaginangipput, tamannalu illumik imaluunniit illup inissisimaneranik patsiseqarpat, Nukissiorfiit piumasarisinnaavaat illup erngup aqqutaanik pilersorneqarneranut atatillugu naqitsinermik annertusititsinermut atortumik ikkussisoqarnissaa.

Naqitsernermik annertusititsinermut atortoq illumik piginnittup piumasaqarneratigut aamma akiliuteqarneratigut ikkunneqassaaq. Nukissiorfiit piumasarisinnaavaat atortup akuersissutigineqarnissaa.

Pilersuinermut aqqutini suliaqarneq

3.4

Pilersuinermut aqqutini imaluunniit imeqarfimmi pilersaarutigineqartumik suliaqartoqassatillugu, tamatuma aallartinnginnerani pilersaarutaasumik imermik pilersuinerup unitsittarnissaa pillugu Nukissiorfiit atuisunut eqqorneqartussanut nalunaaruteqassaaq.

Pilersuinermi ajutoorneq

3.5

Qamittoornerit Nukissiorfiit atortuini, assersuutigalugu kukkunerimik ajoqusernerrilluunniit pissuteqartut, piaarnerpaamik iluarsiniarneqassapput, kisianni Nukissiorfiit pilersuinermi ajortoorneq kingunerisaanut akisussaaffeqanngillat.

Atuisoq kinaluunniit taarsiiffigitinnissamik piumasaqaateqarani ajutoornerit naammagiinnartariaqarsinnaavai, taakkua pilersuinermik unitsitsinerannut pissutaappata ledningit aserortoorneri, mingutsitsineq, innaallagissap qamittoornera, ledninginik matusinerit, iluarsartuussinerit imaluunniit ledninginik saliinerit imaluunniit peqqutit allat suneqarsinnaanngitsut.

Atuinermik killilersuineq

3.6

Nukissiorfiit taarsiissuteqarnissamik piumasaqaatitaqanngitsumik imermik atuinerup imaluunniit atuinerup ilaanik killilersuinissamut aalajangersaasinnaapput, Nukissiorfinnit pisariaqarsorineqarpat imeqarfiup ingerlanneqarnerata imaluunniit imeqassusiata tamanna pisariaqartikkaa.

Qatserutit ikkuffii

3.7

Qatserutit ikkuffiinit imermik atuinermut malittarisassaq pingaarneq tassaavoq ikuallattoqarnerani aamma ajutoornerni allani taamaallaat atorneqartarnissaat. Tamatuma saniatigut imeq qatserutit ikkuffiineersoq taamaallaat atorneqarsinnaavoq tamanna sioqqullugu Nukissiorfinnit akuersissummik pisimagaanni.

Qatserutit ikkuffii erngup aqquataani pingaarnermiittut, tassunga ilanngullugit qatserinermut atortunut sikaaviit aamma qatserutit ikkuffiisa nalunaaqutsernerat, Nukissiorfinnit ingerlanneqarlutillu aserfallatsaaliorneqarput. Qatserutit ikkuffii allat Nukissiorfinnit akisussaaffigineqanngillat.

Qatserutit ikkuffiisa eqqaanik aputaajaallunilu sermiiaanissaq kommunimit suliarineqartarpoq.

Ikuallattumik nammineq paasisaqartartoq qatserisartorlu

3.8

Ikuallattoqarneranik nammineq paasisaqartartumik qatserisartumillu (sprinkleranlæg) ikkussinissaq inerteqqutaavoq imaluunniit atortunik tassunga assingusunik Nukissiorfiit ledninginut pingaarnernut toqqaannartumik ikkussinissat inerteqqutaalput.

Atortut taamaattut pilersorneqartussaapput ikkussiviit, naqitsinermut sakkortusaatit imaluunniit ikkussorneqarsinnaasutut akuerineqarsimasut allat ikkussiviit immikkut ittut aqutigalugit attavilersorneqartussaapput, taamaaliornikkut qulakkeerniarlugu Nukissiorfiit pilersuinermut aqquataasa sunnerneqannginnissaat.

Imertartarfiit

3.9

Imertartarfinni kikkunnit tamanit imertarfigineqarsinnaasuni imertarnerni pisariaqanngitsumik imermik maangaannartitsineq aamma imertartarfimmik kiisalu taassuma eqqaata qanittuani mingutsitsinerit suulluunniit inerteqqutaapput.

Imiisiviit atorlugit imertartartoqartassaaq. Slangimik ikkussinissaq inerteqqutaavoq tamatuma kingunerisinnaammagu imertartarfimmi erngup imerneqartussap mingutsinneqarnera, tamannalu atuisut allat peqqissusaannik navianartorsiortitsisinnaavoq. Tamatuma saniatigut slangit imertartarfinnut ikkunneqartut, atuisup slangimik atugaqartup peqqissusaanik navianartorsiortitsisin

naavoq. Nukissiorfiit imminnut pisinnaatipput ikkussisoqarsimap-
pat tamakkua piiassallugit imaluunniit allanut piiartissallugit, pi-
ginnittumut akiligassanngorlugit.

Imertartarfiit kikkunnik tamanik atorneqarsinnaasut tikinneqar-
sinnaanerat qulakkeerniarlugu aputaajaaneq kommunimit isu-
magineqartarpoq. Imertartarfiup eqqaani sikuiaaneq, attaviler-
fiup ajutoorsimaneranik pissuteqartoq Nukissiorfinnit isumagi-
neqartussaavoq.

4. Erngup illumut attavilerneqarfia

Erngup illumut attavilerneqarnissanut akuersissut

4.1

Illuutit imermut attavilerneqarsinnaapput Nukissiorfiit atortuisa aamma najukkami pilersaarusiornerup tamanna ajornartinngippas-suk, assersuutigalugu imeqarfiup imeqassusia eqqarsaatigalugu. Nukissiorfiit sulisuisa innersuussutigissavaat erngup illumut attavilerneqarfia sukkut ikkunneqassanersoq. Tamakku saniatigut kommunimit aalajangersakkat innersuussutigineqarput.

Illumut attavilerneqarfik immikkut ittoq

4.2

Illuutit tamarmik inummik ataatsimik pigineqanngitsut nalinginnaasumik inoqutigiiykuutaartumik immikkut imermut attavilerneqartussaapput. Nalinginnaasumik erngup illumut attavilerneqarfiata ataasinnaap illumut ikkunneqarnissaa akuerineqarsinnaavoq. Illumik piginnittup allanngornerani erngup illumut attavilerneqarfiinut ataatsimoorunneqartunut aningaasartuutit immikkoortiterneqassapput, taamaaliornikkut erngup attavilerneqarfianik inoqutigiit immikkut tamarmik peqassallutik. Illuutileqatigiit, piginneqatigiit peqatigiiffii assigisaalu erngup illumut attavilerneqarfianik ataatsimoorussanik piginnittuusinnaapput.

Ataatsimut attavilerneqarnermi inatsisinnut tunngasut

4.3

Erngup illumut attavilerneqarfianik ataatsimoorussamik piginnittuunermut atugassarititaasut piginnittut akornanni allaganngukkamik isumaqatigiissutiginnissaat pigittup akisussaaffigaa. Nukissiorfiup attavilerneqarnermut aningaasartuutit piginnittutut ilisarineqarsinnaasunut ataasiakkaanut nassiussinnaavai. Piginnittut akornanni aningaasartuutit qanoq agguanneqarnissaat Nukissiorfiit susasarinngilaat.

Piumasaqaatit aningaasanut tunngasut

4.4

Erngup aqqutaanut pingaarnermut erngup illumut attavilerneqarfiannut aningaasartuutit tamaasa, tassunga ilanngullugit erngup illumut attavilerneqarfiata teknikikkut uppersaasarsorneqarnerata suliarineqarnera, piginnittup akilissavai. Tamatumunnga ilaanngillat pisut immikkut ittut, tassani Nukissiorfiit aalajangerpassuk erngup illumut attavilerneqarfianik pilersitsinermut aningaasalersuinissaq, tamanalu sukumiinerusumik allaaserineqarpoq Nukissiorfiit innaallagissamik, imermik aamma kiassaanermik tamanik pilersuinerminnut tuniaanerminni piumasaqaataanni immikkoortoq 1.2.1-imi.

Qinnuteqaat

4.5

Erngup illumut attavilerneqarfianik pilersitsinermut, nuussinermut imaluunniit allanngortitsinermut qinnuteqaat Nukissiorfinnut nassiunneqassaaq suliallu aallartinneqannginnerani akuersissut tunniunneqarsimasussaalluni.

Qinnuteqaat Nukissiorfiit immersugassiaataat atorlugu nassiunneqassaaq, taanna Nukissiorfiit nittartagaanni www.nukissiorfiit.gl-imi pissarsiarineqarsinnaavoq.

Erngup illumut attavilerneqaranut pi-umasaqaatit	4.6 Erngup illumut attavilerneqarfianik suliat tamarmik sammisamut tungatillugu malittarisassat malillugit suliarineqartussaapput, tassunga ilanngullugit Nukissiorfiit innersuussutaat aamma eqqiluisaarnissamut ilitersuutaat.
Attavilersuinerit naammassineri	4.7 Nukissiorfiit periarfissaqartinneqassapput naqitsinermik misiliinermi najuunnissaminnut, kissartumut kabelit katitikkallu ikkussuunneqarneri misissussallugit, illumut attavilerneqarfiup matoorneqannginnerani kiisalu erngup illumut attavilerneqarfianik suliap naammassi-neqarnerata nalunaarutigineqannginnerani.
Attavilerneqarfim-mik aserfallatsaali- uineq	4.8 Piginnittup akisussaaffigai erngup illumut attavilerneqarfianik atortu- inillu attuumassutilinnik erngullu aqutaasa ikkussukkat isuman- naatsumik aserfallatsaalineqarnissaannik, aamma erngup illumut at- tavilerneqarfiani suulluunniit amigaataasut piaarnerpaamik iluarsine- qarnissaat isumagissallugit.
Attavilerneqarfim- mik aserfal- latsaaliuinnginneq	4.9 Nukissiorfinnit paasineqarpat erngup illumut attavilerneqarfia isu- mannaatsumik aserfallatsaaliorneqanngitsoq illumiilluunniit kuuffin- nut tunngasut pisutaallutik pilersuinermit aqqutit imaluunniit er- ngup pitsaassusiata ajoquserneqarnissaat aarlerinartorsiortinneqar- tut, erngup illumut attavilerneqarfia matuneqarsinnaavoq piginnit- tumut akiligassanngorlugu. Nukissiorfiit tamanna sioqqullugu piginnittup kalerrinneqarnissaa mi- silissavaat.
Illuut inoqanngitsoq	4.10 Nukissiorfiit piginnittumut akiligassanngorlugu illumut atorneqan- ngitsumut erngup illumut attavilerneqarfia matusinnaavaat, Nukissi- orfiit pilersuinermit atortuisa sinnerinut tamanna aarlerinartorsior- titsippat. Nukissiorfiit tamanna sioqqullugu piginnittup kalerrinneqarnissaa mi- silissavaat.
Ventilimik suli- aqarneq	4.11 Erngup illumut attavilerneqarfiata ventilia taamaallaat Nukissiorfinnit imaluunniit VVS-mesterimit Nukissiorfinnit isumaqatigiissuteqarnik- kut passunneqarsinnaavoq.
Illumut attaviler- neqarfmmik matusi- neq	4.12 Erngup illumut attavilerneqarfia matuneqarpat aamma erngup illu- mut attavilerneqarfia imaarneqarsinnaanngippat erngullu aqqutaa pingaarneq imaluunniit erngup pitsaassusiata ajoquserneqarsinnaa- nera navianartorsiortinneqarpat, Nukissiorfiit pisinnaatitaapput ern-

gup illumut attavilerneqarfianik matusinissaminnut imaluunniit alla-
tut iliorlutik pilersuinertik unitsillugu.

Illumut attavimmik matusineq ikitsinerlu pigittumit
akilerneqartussaapput.

**Erngup illumut at-
tavilerneqarfianik
nuussineq**

4.13

Nukissiorfiit namminneq aningaasartuutigalugu erngup illumut attavilerneqarfia allannngortissinnaavaat. Illumut attavilerneqarfimmik piginnittup imaluunniit atuisup matumani ingerlatsinermut aningaasartuutitut qaffariaatit akiligassaraat.

**Pilersitsinissamut
piumasaqaatit**

4.14

Erngup illumut attavilerneqarfia "Kalaallit Nunaanni erngup aqqutaanik ukioq kaajallallugu atorineqartunik pilersaarusiortarnermut innersuussut" naapertorlugu suliarineqartariaqarput. Innersuussut Nukissiorfiit nittartagaanni www.nukissiorfiit.gl-imi takuneqarsinnaavoq.

**Pilersitsinissap
qaqugu pinissaa**

4.15

Erngup illumut attavilerneqarfii taamaallaat erngup aqqutaanut pingaarnernut piffissami 1. maajimiit 1. oktobarip tungaanut ikkunneqarsinnaapput. Pissutsit immikkut ippata allakkatigut qinnuteqaateqareernikkut immikkut akuersissuteqartoqarsinnaavoq.

Erngup illumut attavilerneqarfia titartaganngorlugu aamma erngup illumut attavilerneqarfiata ventiliata sumi inissinnissaa pillugit pilersaarusiaq Nukissiorfinnut tunniunneqassapput.

5. Erngup aqqutaanik ikkussuinerit

Allanngortitsinissamut qinnuteqaatit

5.1

Nukissiorfinnit akuersisummik qinnuteqartoqartassaaq erngup aqqutaanik ikkussukkanik allanngortitsilluni suliaqartoqartinnagu imaluunniit erngup aqqutaanik pioreersunik annertusaannginnermi, tamanna imermik atuinermik imaluunniit erngup pitsaassusi-anut sunnuteqarpat.

Akuerineqarnissamut qinnuteqaat

5.2

Akuerineqarnissamut qinnuteqaat immersugassaq atuuttoq atorlugu Nukissiorfinnut nassiunneqassaaq. Immersugassaq Nukissiorfiit nittartagaanni www.nukissiorfiit.gl-imi aaneqarsinnaavoq.

Ikkussuinernut pi-umasaqaatit

5.3

Erngup aqqutai ikkussugassat imatut suliarineqassapput, atorneqassapput aamma aserfallatsaaliorneqassapput ima pisoqarnissaa pinngitsoortussanngorlugu:

- erngup aqqutaani pingaarnerni naqitsinernik ajoqutaasinnaasunik imaluunniit naqitsinernik nikerartunik peqarnissaa,
- imermik mingutsitsisoqarnissaanut aarlerinartoqarnissaa,
- ussiitsunik peqarnissaa.

imaluunniit Nukissiorfiit atortuinik allanik tamatuma kingunerisaanik ajoquteqartoqalernissaa.

Atortorissaarutit, filterit aamma qorlorfiit assigisaalu erngup aqqutaanut ikkunneqartartut imermut imerneqartussamut atorneqartussatut akuerineqarsimassapput.

Illumi erngup aqqutaasa misissorneqarnerat Nukissiorfinnit suliarineqarsimagaluarpalluunniit piginnittup akisussaaffigaa ikkus-sorneqarsimasut naammaginantumik pitsaasuseqarnissaat.

Suliffeqarfiit, namminersortut imaluunniit isumaginniffiillu eqqu-maffigisariaqarpaat DS/EN 1717, imermik imerneqartussamik mingutsisinnaanermut erngup aqqutaanik isumannaallisaanissaq kiisalu erngup uteriartoornissaanut sillimmateqarnissamik pi-umasaqaatit nalinginnaasut atuutsinneqarnissaat.

Ikkussukkat ator-neqanngitsut

5.4

Piginnittoq pisussaavoq erngup aqqutaasa ikkussukkat atorneqanngitsut milinneqarsimanissaannut aamma imarneqarsimanissaannut, ilaatigut qerisoorlutik ajoqusernissaat eqqarsaatigalugit aamma erngup maangaannartinneqartup ajoqusiisinnanera eqqarsaatigalugu.

**Ikkussukkanik matusi-
neq**

5.5

Nukissiorfiit peqqusisinnaapput illuni atorneqanngitsuni erngup aqputaanik ikkussukkanik qamitsinissamik.

Nukissiorfiit akiligassanik akiliinngitsoortarneq pissutigalugu in-naallagissamut imermullu pilersuineramik unitsitsisimappata, pigittup pisussaaffigaa piaartumik illu qerisoortoqannginnissaanut qulakkiissallugu.

Illuummik pineqartumik piginnittoq tamanna pillugu nalunaarummik tigusaqarsimagaluarluni, illup qerisoornissamut isuman-naarnissaa pillugu piginnittullu tamanna isumaginngippagu, piginnittup kinguniinnaa qerisoornep kingunerisaanik ajoqusernerit pillugit Nukissiorfinnut taarseeqqusissummik piumasaqaateqarsinnaanngilaq.

**Pisussaaffinnik
sumiginnaaneq**

5.6

Piginnittoq pisussaaffigisaminik naammassinninngippat, immikkoortuni 5.1-imit - 5.3-mut nassuiaassutigineqartunik, Nukissiorfiit piginnittup akiligaanik suliassaq suliaritissinnaavaat imaluunniit imermik pilersuineq erngup illumut attavilerneqarfiatigut qamissinnaallugu.

Imermit innarlikkat

5.7

Nukissiorfiit akisussaaffiginngilaat illuni imermit innarlerneqarsinnaasut, tassunga ilanngullugit innarlikkat ventilinit isumannaallisaataasunit imaluunniit qerisoornernit pissuteqartut.

Biilit kinnernik milluaasartut, anartarfilerissutit & tankit allat

5.8

Biilit kinnernik milluaasartut, anartarfilerissutit aamma biilit allat storz-koblingit imaluunniit qatserutit ikkuffii aqputigalugit erngup aqputaanit toqqaannartumik imermik immiisartut, atortussaavaat koblingi/qorlorfik Nukissiorfinnit innersuussutigineqartoq, erngup uteriartoornissaanut isumannaallisagaasoq akuerineqarsimasorlu.

6. Akiligassanut uuttuutit

Uuttuutit assigisaanillu inissiisarneq

6.1

Uuttuut akiligassanut nalunaarsuiffiusoq inimi qerinanngitsumi inissinneqassaaq. Inissisimaffia Nukissiorfinnit akuerineqassaaq. Akiligassanut nalunaarsuiffiup ikkussuussimanera peerneqarsinnaasuussaaq. Akiligassanik nalunaarsuiffup atuarneqarsinnaanera pisariitsuusussaavoq.

Akiligassanut nalunaarsuiffik inissinneqassaaq ventilit matusissutaasartut marluk akornannut.

Ventilnut matusissutaasartunut pi-umasaqaatit

6.2

Ventilit matusissutaasartut erngup aqqutaata ikkusimasup uuttuutaata angeqatigissavai. Ventil matusissutaasartut aalarulunermik manngertornisitsinermilluunniit pilersitsissanngillat.

Qorlorfiup uteriartoornaveersaatillu ventili

6.3

Uuttuummut akiligassanut nalunaarsuiffiusumut tulliuullugu ventil matusissutaasartup tikinginnerani qorlorfimmuut ventili aamma ventili uteriartoornaveersaat ikkunneqassapput.

Illuummi uuttuutit amerlassusissaat

6.4

Nalinginnaasumik ineqarfinnut ataasiakkaanut imermut nillertumut ataasiinnarmik akiligassanut nalunaarsuinnermut uuttuteqassaaq, Nukissiorfinnit allamik isumaqatigiissuteqartoqarsimanngippat.

Uuttuutit akiligassanik nalunaarsuiffiit

6.5

Illut arlalinnik ineqarfillit ineqarfinni ataasiakkaani ataasiakkaarlutik akiligassanut nalunaarsuiffimmuut uuttuutilerneqassapput, piumasaqaatit tulliuuttut naammassineqarsimappata:

- Ineqarfiup immikkoortup ataatsip imermik nillertumik atuinera tamaat uuttuut akiligassanut nalunaarsuiffik ataaseq atorlugu nalunaarsorneqarsinnaasoq.
- Ineqarfiup immikkoortup ataatsip pilersorneqarnera erngup aqqutaanit immikkoortumit pinissaa.

Imermut kissartumut uuttuutit

6.6

Illuutini imermik kissartumut atuinerup akilerneqartarnera immikkut akilersinneqartassappat, imermik kissartumik illup iluani atorneqartumik kissartunngortitsisarneq qitiusumik ingerlanneqarluni, imermik imermillu kissartumik atuineri nukissamik atuinerit nukissamik uuttuut atorlugu uuttorneqassapput, tak. ilanngussaq 2.

Erngup aqqutaanut ikkussukkanut makku tulliuuttut naammassineqarnissaat piumasaqaataavoq:

- Erngup kissartup ingerlaartup kaaviiarneranut uuttuut ikkusimassaaq
- Erngup ingerlaartup kaaviiarneranut nukissamut uuttuut ikkusimassaaq, kaaviiartitamit annaasanik uuttuisus-saq. Annaasaq illuummit piginnittumit akilernerqassaaq.
- Aalajangersakkat "Nukissiorfiit imermik tamanik pilersuinerminni piumasaqaataanni nalinginnaasuni" allassimasut kiisalu "Nukissiorfiit ungasianit kiassanermik tamanik pilersuinerminnut piumasaqaataanni nalinginnaasumi" allassimasut malinneqassapput.

Imermik maangaannartitsineq

6.7

Imermik maangaannartitsineq erngup illumut attavilerneqarfianeersoq uuttuutip saavani pippat, imermik maangaannartitsinerup illumik piginnittumit akilernerqarnissaa piumasaqaataasinnaavoq. Taamaattoqarpas atuneq Nukissiorfinnit missingersorneqassaaq.

Piginnittumit paasineqarpas uuttuutip akiligassanut nalunaarsuifiusup eqqaani erngartoqartoq imaluunniit ajoquteqartoqartoq, pigittup tamanna Nukissiorfinnut piaartumik nalunaarutigissavaa. Illuummik atuisut illumi ajoqutit paasineqartut pillugit piginnittoq piaartumik nalunaarfigissavaat.

Innaallagissamut attavilerneqarneq

6.8

Uuttuummik ingerlatsinissami pisariaqartinneqarpas atuisunngortup attavilerneqarsimanissaa, illuutip innaallagissamik pilersuinermut attavilerneqarnera aamma innaallagissamik atuinermut nalunaarsuineq malillugu akiligassaq atuisumit akilernerqartussaavoq.

7. Imermut tankimut ikkussuinerit

Imermut tankimut ikkussuinerit pi- umasaqaatit

7.1

Imermut tankinik ikkussuinerit Nukissiorfiit innersuussineri malilugit suliarineqassapput aamma atortussat imermut imernejartussamut akuerineqarsimasuussapput tak. ilanngussaq 1.

Imermut tankip ikkussuunneqartup atorneqalinnginnerani Nukissiorfiit akuersisinneqaqqaartussaapput. Imermut tankimik ikkussuinerit pi-umasaqaatit pingaarnertut tulluuttut makkuupput:

- Imermut tankit inimi qerinnanngitsumi kuuffilimmi inissinneqassapput.
- Imermut tankit nalinginnaasumik illumi inimi allermiittumut taamaallaat inissinneqarnissaat akuerineqartarput.
- Imermut tankit minnerpaamik ullunut unnuallu 3-4-nut nalinginnaasumik atuinnissamut naammattumik imaqarsinnaassapput.
- Imermut tankit 1000 literimit minnerusumik imaqarsinnaasut taamaallaat Nukissiorfinnit allakkatigut akuersisutiginneqarunik ikkunneqarsinnaapput.
- Tankip imermik **ulikkaarnera** qulliup aappaluttumik qalipaattillip ikinnermigut nalunaartarpaa, aamma qulleq qorsummik qalipaattilik ikissaaq **tanki sulii imermik immerneqarsinnaappat** (tak. ilanngussaq 1). Qulleq imatut inissinneqarsimassaaq ukiup qanoq ilinera apeqqutaatinagu immiisarfimmit ulloq unnuarlut tamatigut takuneqarsinnaassalluni.
- Utsersorfissamik ikkussisoqassaaq taannalu imeq pajutiginneqartoq qanoq ilinikkulluunniit killissinnaassallugu inissinneqarsimassallunilu immiisarfimmit kuuffik takuneqarsinnaanngorlugu.

7.2

Aserfallatsaaliuineq

Tankimik aserfallatsaaliuineq piginnittup/atuisup pisussaaffigivaa maanngaannarlut kuuttoqarsinnaanera Nukissiorfinnut akissusaaffigitinneqarsinnaannani. Taamatuttaaq piginnittup akissusaaffigaa tankinik eqqiaanerup naammaginartup qulakkeerneqarnissaa, imermut tanki imaarneqassaaq immiunneqassappullu akuutissat assigisaalu tappiorannartunik bakterianillu toqoraasartut, imermut imernejartussamut atussallugit akuerisaasut.

7.3

Tikinneqarsinnaanera

Biilip tikisinnaasai, siaarsiffissat aamma imermut slangimik ikkussiffissat Kalaallit Nunaanni sullivinni atukkat pillugit Inatsit atuuttoq naapertorlugu isumannaallisaanikkut peqqissutsikkullu ilersorneqarsinnaasumik pisinnaassapput.

Tanki imiisivik imertaatit tankillit atorlugit ornillugu immerneqarpat, biilit ingerlasut tikitassat imermik immiinnermi ajoquteqan-

ngitsumik ingerlanneqarsinnaassaaq. Immiinissamut ikkussiffis-
saq Nukissiorfiit innersuussutai qaqugukkulluunniit atuuttut ma-
lillugit pisussaavoq tassungalu tunngasut Nukissiorfiit nittarta-
gaanni www.nukissiorfiit.gl-imi takuneqarsinnaapput.


Maalaarfissaq

8. Maalaarfissaq

8.1

Atuisoq Nukissiorfiit sullissinerinik, akiligassiinerinik il.il. naam-maginninngippat, tamanna suliassa qarfimmi naalakkersuisoqar-fimmut naammagittaalliutigineqarsinnaavoq.

Ilanngussaq 1 **1. Imermut tankimik ikkussuinissamut piumasaqaatit**



NB. For at undgå sprængning af vandtank ved påfyldning med frosset overløbsrør, må overløbsrøret frøstsikres elektrisk (og isoleres) de steder, hvor der er mulighed for stor afkøling.

Indikeringslyset skal være placeret således at det kan ses af vandtankbilens personale uanset årstiden og skal godkendes af vandtjenesten.

Nukissiorfiit

Form nr. 3090

File: h:/users/tegnestuen/klister/diverse dwg/vandtank.dwg

Ilanngussaq 2. Ungasianit kiassaanermik uuttoortaanermut kiisalu ilaqtariinnut inissiani arlariinni inissianilu immikkut akiligissinneqartartuni uuttuvinissamut tungavissat

E-1: Hovedmåler fjernvarme, MWh

E-2: Hovedmåler varmtbrugs vand, MWh

E-3: Energimåler lejlighed varme, MWh

E-4: Energimåler lejlighed varmtvand, MWh og m³

E-5: Energimåler cirkulation varmtvand bygningsejer, MWh

V-1: Hovedvandmåler, m³

V-2: Vandmåler lejlighed, m³

E-1: Ungasianit kiassaatip uuttuutaa pingaarneq, MWh

E-2: Erngup atorneqartussap kissartup uuttuutaa pingaarneq, MWh

E-3: Inissiami kiassaanermi nukissamut uuttuut, MWh

E-4: Inissiami erngup kissartup nukinganut uuttuut, MWh & m³

E-5: Illuummik piginnittup imermut kissartumut ingerlaartumut nukissamut uuttuutaa, MWh

V-1 Imermut uuttuut pingaarneq, m³

V-2: Inissiami imermut uuttuut, m³